

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove

Broj: 19-05-7040/23-4
Zenica, 05.06.2023. godine

STRUČNA SLUŽBA GRADSKOG VIJEĆA

PREDMET: Izvještaj o radu JP "Gradsko groblje" d.o.o. Zenica za 2022. godinu

Sektor za javna preduzeća i javne ustanove u ime Skupštine razmotrio je Izvještaj o poslovanju JP "Gradsko groblje" d.o.o. Zenica za 2022. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2022. godini JP "Gradsko groblje" d.o.o. Zenica je zastupao direktor Almir Sarajlić, dipl. oec., dok su funkciju Nadzornog odbora obavljali Armin Mujkić Ibrahim Pašalić i Darko Popović.

Osnovna djelatnost JP „Gradsko groblje“ d.o.o. Zenica jeste ukopavanje preminulih lica, čišćenje, održavanje, čuvanje i izgradnja groblja, ekshumacija i sl. Preduzeće svoju djelatnost obavlja kroz sljedeće radne cjeline:

- Pogrebno - uslužna,
- Portirska,
- Klesarsko – građevinska,
- Transport i održavanje i
- Zajednički poslovi.

Na dan 31.12.2022. godine Preduzeće je zapošljavalo 32 radnika. Prosječna neto plata isplaćena zaposlenim je iznosila 1.116 KM. Preduzeće više ne obavlja poslove ukopa svim danima u sedmici, zbog prekovremenih sati i zakonskih odredbi u vezi istih.

U periodu 01.01. do 31.12.2022. godine ostvareni su ukupni prihodi u iznosu 1.144.058 KM i manji su za 6,98% (79.827 KM) u odnosu na isti period prethodne godine. Najznačajniji ostvareni prihodi su:

- pogrebne usluge	338.496,00 KM,
- taksa za održavanje groblja	321.050,00 KM.

Ukupni rashodi u izvještajnom periodu iznose 1.123.084 KM, te su za 2,37% (25.974 KM) veći od rashoda nastalih u 2021. godini.

Ostvaren je pozitivan finansijski rezultat, odnosno neto dobitak u iznosu 18.001 KM (u odnosu na 2021. godinu manji je za 94.721 KM).

Na dan 31.12.2022. godine stanje potraživanja, novčanih sredstava i obaveza iznosi:

- | | |
|------------------------------------|------------|
| - Kratkoročna potraživanja (kupci) | 156.486 KM |
| - Novčana sredstva | 131.990 KM |
| - Kratkoročne obaveze (dobavljači) | 6.523 KM |

Preduzeće je likvidno i može pravovremeno izvršavati obaveze iz vlastitih sredstava.

Evidentan je problem kapaciteta groblja, odnosno raspoloživi broj grobnih mjesta. Kapacitet groblja Prašnice je raspoloživ za narednih dvije do tri godine, dok je groblje Crkvice već zatvoreno groblje, i ukopi se vrše samo po prethodno rezervisanim grobnim mjestima i tzv. dubinski ukopi.

Reviziju finansijskih izvještaja je obavilo Društvo za reviziju „Orecons&audit“ d.o.o. Zenica, te su dali mišljenje sa rezervom na iste. Mišljenje je korigovano iz razloga što od ukupne sume potraživanja od kupaca, najmanje 76.673 KM se odnose na potraživanja starija od godinu dana. Javno preduzeće nije vršilo procjenu naplativosti svojih potraživanja, odnosno nije izvršilo ispravku vrijednosti potraživanja (postoji mogućnost da su rashodi podcijenjeni, a prihodi precijenjeni).

U 2021. godini Nadzorni odbor je održao 11 sjednica na kojima je razmatrao različita pitanja iz svoje nadležnosti. Kontinuirano je razmatrao mjesečne i periodične izvještaje o poslovanju Preduzeća. Svojim odlukama su usvojili Izvještaj o poslovanju i Izvještaj nezavisnog revizora za godinu koja je završila 31.12.2022. godine.

Sektor za ekologiju i komunalne poslove, kao resor, nema primjedbi na poslovni odnos sa Preduzećem i Upravom.

Sektor za javna preduzeća i javne ustanove dostavlja Izvještaj o poslovanju Javnog preduzeća „Parking servis“ d.o.o. Zenica za period 01.01. – 31.12.2022. godinu, sa pratećim izvještajima, Gradskom vijeću na dalje razmatranje i odlučivanje.

PRILOZI:

1. Izvještaj o poslovanju JP „Gradsko groblje“ d.o.o. Zenica za 2022. godinu, sa Zaključkom Nadzornog odbora o usvajanju istog,
2. Finansijski izvještaji za 2022. godinu i sa Izvještajem ovlaštenog revizora, sa Zaključkom Nadzornog odbora o usvajanju istih,
3. Izvještaj o radu Nadzornog odbora JP „Gradsko groblje“ d.o.o. Zenica za 2022. godinu, sa ocjenom rada direktora,
4. Plan poslovanja za 2023. godinu, sa Zaključkom Nadzornog odbora o prihvatanju istog.

S poštovanjem,



Šefica sektora za
javna preduzeća i javne ustanove
Mia Pojskić

Mia P.

DOSTAVLJENO:

1x Naslov

1x a/a